

## **ՀԱՎԱՏԱՐՄՈՒԹՅՈՒՆ. ՎԱՋԵԼ և ԱՎԱՐՏԵԼ ՄՐՑԱՎԱՋՔԸ ԲԱՆԱԼԻ ԽՈՍՔ. Ա ԿՈՐՆԹԱՑԻՍ 9.24-27**

24 Չգիտե՞ք, որ մրցասպարեզում վազողները բոլորն են վազում, բայց մեկն է մրցանակը ստանում. դուք այնպես վազեք, որ մրցանակի հասնեք: 25 Եվ ամեն ոք, ով մրցում է, ամեն ինչում ժուժկալ է լինում: Արդ նրանք մրցում են, որ մի ապականելի պսակ ստանան, իսկ մենք՝ անապական: 26 Ուրեմն ես այդպես եմ վազում, ոչ թե աննպատակ: Այդպես եմ մրցում, ոչ թե օդը ծեծելով, 27 այլ իմ մարմինը ծնշման եմ ենթարկում և հնազանդեցնում, որպեսզի չլինի թե ուրիշներին քարոզելով՝ ինքս անպիտան լինեմ:

Փիլ. 3.13-14 – հետևում թողածը մոռանալով՝ դեպի առջևում եղածներն եմ ձգտում: Հետևում եմ նպատակակետին՝ Հիսուս Քրիստոսով դեպի վեր՝ երկինք՝ Աստծու կողմից կոչվելու մրցանակին:

- **Պողոս առաքյալի վերջին վկայությունը**

*Իր կյանքի ավարտին Պողոսը մի պահ ետ նայեց...*

*Բ Տիմ. 4.7-8 – Բարի պատերազմ մղեցի, ընթացքը ավարտեցի, հավատը պահեցի: Այսուհետև ինձ է սպասում արդարության պսակը, որ Տերը՝ արդար դատավորը, կտա ինձ այն օրը. և ոչ միայն ինձ, այլև բոլորին, ովքեր սիրեցին նրա հայտնությունը:*

## 1. ՀԱՎԱՏԱՑՅԱԼԻ ԿՅԱՆՔԸ ՄՐՑԱՎԱՋՔ Է

Սուրբ Գիրքը հստակ սովորեցնում է, որ յուրաքանչյուր հավատացյալ ներգրավված է հոգևոր մրցավազքի մեջ:

### 1. Այն պահանջում է հավատարմություն

### 2. Այն պահանջում է համբերություն

Եբր. 12.1-2 – Ուստի մենք էլ, որ շրջապատված ենք **վկաների այսչափ բազմությամբ**, ...համբերությամբ ընթանանք մեր առջև բացված մրցասպարեզը... նայենք հավատի զորագլխին ու այն կատարողին՝ Հիսուսին՝

Հավատարմությունը նշանակում է շարունակել մրցավազքի նույնիսկ այն ժամանակ, երբ զգացմունքները մարում են, և հանգամանքները դժվարանում են:

- **Հավատարմության մրցավազքը ունի սկիզբ և ավարտ**

Ծննդոց 6.22 – Եվ Նոյն արեց ամենը, ինչ Աստված պատվիրել էր նրան. այդպես արեց:

Ելից 40.16 – Մովսեսն արեց այն ամենը, ինչ Տերը պատվիրել էր իրեն. այդպես էլ արեց:

**Ստեփանոսը մինչև վերջ հավատարիմ մնաց և ավարտեց իր մրցավազքը**

Գործք Առաքելոց 7.56 – Եվ ասաց. Ահա տեսնում եմ երկինքը բացված ու Մարդու Որդուն՝ Աստծու աջ կողմում կանգնած:

Հայտ. 2.10 – Հավատարհիմ եղիր մինչև մահ, և **կյանքի պսակը** կտամ քեզ:

- **Հավատարմությունը հաճախ սկսվում է գաղտնի որոշումներից՝ նախքան հրապարակային հաղթանակ դառնալը:**

Դանիել 1.8 – Դանիելն իր սրտում որոշեց, որ իրեն չպղծի թագավորի կերակուրով և նրա խմած գինով...

Դանիել 1.19 Եվ թագավորը խոսեց նրանց հետ, և նրանց մեջ չգտնվեց Դանիելի, Անանիայի, Միսայելի և Ազարիայի նման մեկը, ուստի նրանք թագավորի պաշտոնյաներ դարձան:

Սաուդյան Արաբիայում ամենավստահելի մարդիկ քրիստոնյա աշխատողներն են

## **2. ՀԱՎԱՏԱՐՄՈՒԹՅՈՒՆԸ ՍԿՍՎՈՒՄ Է ՆԵՐՍԻՑ**

Գաղ. 5.22 – Հոգու պտուղն այս է՝ սեր, ուրախություն, խաղաղություն, համբերատարություն, քաղցրություն, բարություն, հավատարմություն:

## **ՅԻՇԻՐ. Ծառը պտուղ չի տալիս մեկ գիշերվա ընթացքում:**

Նախ՝

արմատ է գցում, աճում է, դիմանում է քամիներին, անցնում է եղանակների միջով, և հետո միայն պտուղ է տալիս:

Շատ պտղատու ծառեր սկսում են պտուղ տալ 3-7 տարի հետո, իսկ որոշները՝ նույնիսկ ավելի ուշ:

Նույնն է նաև հավատարմության դեպքում:

Այն ձևավորվում է տարիների ընթացքում՝ փորձությունների ու սպասումների մեջ...

## **3. ԿԱՆ ԽՈՉԸՆԴՈՏՆԵՐ, ՈՐՈՆՔ ԽԱՆԳԱՐՈՒՄ ԵՆ ՄՐՅԱՎԱԶՔԻՆ**

Եբր. 12.1 – դեն գցենք ամեն ծանրություն և մեղքը, որ մեզ հեշտությամբ է պաշարում, և համբերությամբ ընթանանք մեր առջև բացված մրցասպարեզ.

«Ծանրություն» բառը (հունարեն՝ **ogkos**) նշանակում է բեռ, ավելորդ քաշ, մի բան, որը խանգարում է վազորդին առաջ շարժվել:

Յետաքրքիր է, որ այստեղ հեղինակը տարբերակում է ծանրությունը և մեղքը: Ոչ ամեն ծանրություն է մեղք,

բայց ամեն ծանրություն կարող է դանդաղեցնել մեր ընթացքը:

Դրանք կարող են լինել՝ աշխարհասիրությունը, վախերը, վիրավորանքները, հիասթափությունները, աններողամտությունը, սխալ առաջնահերթությունները, կամ այնպիսի զբաղվածությունը, որը մեզ հեռացնում է Աստծուց:

## ԻՆՉՊԵՍ ՎԱՋԵԼ ՀԱՎԱՏԱՐՄՈՐԵՆ

- Մնալ Տիրոջ խոսքի ու ներկայության մեջ

Բ Տիմ. 4.17 – Բայց Տերն ինձ հետ կանգնեց և զորացրեց ինձ...

Գործք 23.11 – Հաջորդ գիշեր Տերը կանգնեց նրա մոտ ու ասաց. **Քաջալերվիր, Պողոս**, որովհետև ինչպես ինձ համար Երուսաղեմում վկայեցիր, այնպես էլ Հռոմում պետք է վկայես:

- **Հիսուսը՝ մեր կատարյալ օրինակը**

Հովհ. 17.4 – Ես քեզ երկրի վրա փառավորեցի. կատարեցի այն գործը, որն ինձ տվեցիր, որ անեմ:

## ՀԱՎԱՏԱՐՄՈՒԹՅԱՆ ՎԱՐՁԱՏՐՈՒԹՅՈՒՆԸ

- **Խոստացված պսակները. Կյանքի պսակ**

*Հայտ. 2.10 – Հավատարհի՛մ եղիր մինչև մահ, և կյանքի պսակը կտամ քեզ:*

*Մատթեոս 25.21 – Եվ նրա տերը նրան ասաց. Լավ, բարի ու հավատարհի՛մ ծառա...*

*Հավատքի մրցավազքը հեշտ չէ, ոմանք հոգնել են, ոմանք վիրավորված են, ոմանք հուսահատված են...*

*բայց Տիրոջն ապավինողները կնորոգվեն ուժով, արծիվների պես թևերով վեր կսլանան, կվազեն և չեն հոգնի, կգնան և չեն նվաղի (Եսայի 40.31):*

- **Իմ խրախուսանքը այսօր ձեզ սա է Շարունակե՛ք ձեր մրցավազքը հավատարմությամբ:**

**ԻՆՉ Է ՍՈՒՐԲ ՀՈԳԻՆ ԱՍՈՒՄ ԻՆՉ ԱՅՍ ՊԱՏԳԱՄԻ ՄԻՋՈՑՈՎ:**